




RELAZIONI DI AMBASCIATORI VENETI.

PUBBLICATE DAL

CAV. GIOVANNI MIRCSE DE BARÁTOS.





I.

DESCRIZIONE DELL' UNGHERIA.

Relazione d'un Ambasciatore Veneto alla Corte del Re Mattia Corvino. — Codice del Sec. XVI della Biblioteca Marciana.

Information de le condition e qualità del Regno de Ongaria como etiam dele membre spetante a quello e de sue confine circunda et etiam qualche parte de le condition e qualità di suoi inimici confinanti a dito Regno dechiarirò giusto el mio poder, secondo la pocha e debole sufficientia mia quanto mi par podere cum verità dechiarire per la pratica e noticia ho de quele parte.

El Corpò principal del dito regno de Hungaria confina da una parte de levante verso sirocho cum la Valachia Servia et Schiavonia. Da sirocho a ostro confina parte cum la Schiavonia parte cum la Bosina. Da ostro a garbin confina parte cum la Schiavonia, e parte cum la Lemagna. Dala parte de garbin verso ponente confina Alemagna. Da ponente verso majestro confina cum dicta Alemagna. Da maestro verso tramontana confina cum el Regno de Bohemia. Da tremontana verso griego confina parte cum Boemia e parte cum Polana. Da griego a levante confina parte cum Polana e parte cum Tartaria e Valachia.

Dito corpo del regno de Hungaria da uno canto comenzando verso levante seguengo verso el ponente è di longeza circha miglia 100-hungara che sono circha miglia 400 taliana perochè meglio hungaro si è 4 taliana. Si che da uno cavo al altro sono miglia circha 500 taliana. La prima terra verso levante vegnando verso ponente che se trova del corpo del preditto reame de Hungaria è appellata Brasionia che è la prima se trova usando de Valachia intrando in Hungaria. La ultima terra verso ponente del regno de Hungaria siè Varaxdin e Enadaliza che sono parte schiavi e parte todeschi.

Da ostro a tramontana per traverso sono miglia circha 70 in 80 hungara, che sono circha in 380 taliana zoe dal lultimo logo da la banda de lostro el qual è el castello e terra de Belgrado, e andando verso tramontana fina a una terra appellata Lasionia verso Polana e Boemia si che per traverso sono circha miglia 380 in 400.

De le membre de esso Regno.

Le membre spectante al dito regno sono queste: prima la Valachia granda e pizola, la Servia, la Bolgaria, la Dalmazia, Crovazia, Bossina.

La Valachia granda e picola confina dala banda de griego e levante cum mare maore, e erano su dito mare, piui logi spetanti a dita Valachia. Principali sono Moncastio, Licostomo Buligo. Confina dita Valachia dala banda de sirocho cum la Bolgaria e Servia. Dala banda de griego cum Polania e Tartaria. Da la banda de ponente cum la Ungaria verso Transilvana.

La Servia è uno di altri membri de dito regno de Ungaria, confina da la banda de tramontana e griego cum la Ungaria. Da la banda de levante cum la Bolgaria, Da la banda de sirocho cum la Schiavania. Da la banda da mezodi cum Bosina, Albania.

La Bolgaria confina da la banda de levante cum la Romania. Da la banda verso ponente cum la Servia. Da la banda verso griego cum Valachia. Da la banda da mezodi cum la Servia predita.

La Dalmazia e Chroazia, parte confina cum la marina nel golfo, parte cum la Bosina, parte cum el regno de Hungaria, parte cum la Lemagna, e parte cum l'Istria, et cetera.

Di condition del corpo de Ongaria e de quelli vi stano.

El dito corpo de Hungaria è habitado de diverse generation de zente Prima sono ungari puri, zoè baroni e nobili e populi e zitadini, e se stano ne la terra fermamente. E vilani stano in le vile in el exercitio dele terre.

Li baroni e nobili di quello Regno universalmente sono belistri che continuamente desidrano exercitarsi ali mestieri del. arme, volentera predano, e quando non hano donde predare a logi e beni di inimisi, l'uno cum l'atro fra loro se predano, per modo continuamente stano in qualche exercitio de guera. Li quali baroni e nobili sono obligati a ogna bisogno e requisition del Re dentro li confini del ditto regno a loro proprie spexe andare a servire la chorona cum quelle persone che l'ordene loro è stabilito zeneralmente, et quando el mancasse non obedisse subito viene a romagnire infidele del regno e perde l'havere e la sua testa. Evocando el Re condure questi tali fora di confini del regno l'è obligado darge la paga de ducati 3 in 4 per cavallo al mexe comhe a zente strania. E per questo tal ordene tuti questi baroni signori e nobili continuamente anno grande famiglie apresso de loro, azo che abisogni se posino servire de loro. Per queste tal razon e per esser le spexe grande e loro de natura prodegi, è la mazor parte cum pocha misura o chore. Le intrate

non pono supplire ale spese e de necessità conviene che robano che mancho pono de loro, e per esser defexi tuti universalmente sono servidori luno de laltro. Che li pizoli serveno ali grandi de grado in grado, azo li impotenti siando servidori deli grandi siano riguardadi e defexi da loro contrarij.

È abitato dito regno de zente todescha, i quali todeschi se exercitano volenter, e sono zente universalmente industriosi. Questi se pono reputare possedano la mazor parte de quello reame, perche ongari sono zente de pocha industria e maxime i populi, che solo abiano el vivere abundantemente non curano piu oltra. Ma Todeschi industrioxi in ogni exercitio, e cum mercantie e cum far cavare montagne de diversi metali de ori, arzenti, rami, piombi, e cum altri loro exercitij tanto anno fatto che la mazore parte del bon del dito regno è posseduto da ditte todeschi, e hanno alchune cita murade e forte, e cum bonissimi casamenti che se pono dire non esser altre terre de fare algune mentione Salvo quele dove diti Todeschi stano, e ultra el beneficio de loro facultà aquistade in quelle parte, ancora sono beneficiadi de honori che sono quelli rezeno de officij, e de altri honori quasi la mazor parte de dito regno I quali Todeschi il forzo, stano in le terre murade e pochi stano in villa, salvo quelli habitano in le montagne.

Trovasi dito regno in alguna d'esso esser habitado da nation Tartari, li quali vivono in loro fe e chiamansi Chumani, e pagano certo fito al Re l'anno, e stano in la loro pase, i quali foreno de quel del gran Tamberlan che aquistò dito regno, poi el perdè. E per habitare el paese fo concesso a ditti Tartari podesseno habitare in quella provincia, e cosi romagnino.

Ancora in alguna parte de esso Regno è habitado de nationi franzese, i quali parlano drito francese. Questi tali hano una provincia per loro separata, i quali franzese romagnino in ditto regno antiquamente quando Re Carlo fexe el conquisto del dito regno, e cossi vi stanno.

In alguna parte de dito regno habitano Schiavi et Serviani, i quali de Servia e Schiavonia se anno retrati e reduti in dito regno ad habitare in certa provincia seperada da le altre.

Habitano in dito regno in provincia separata Zingari e Filistei, e de dita provincia de Ungaria se partino e vano peligrinando per el mondo come fano, el qual peligrinazo fano de viazo de marchantia cum questi mezi e de incanti de femene e de robare usano sustentare beloro vite.

Alsito del ditto regno de Ungaria e bene disposto participa de monti e piani, ma li monti non sono sterile ne troppo asperi ma sono rasonevoli, e la mazor parte de ditto corpo e stabilito in pianura entro alguni coleti non troppo asperi che continuamente se pono lavorare tuti. La terra comunamente bona e fertile è terra asay molto più di quello bisogna a quei populi. Avanza

gran paexe, non si lavora per mancamento de homeni. Produxe abundantamente tute le cosse necessarie ala humana vita, salvo cose che per fredo non se pono sustentar chome olive, naranze, figeri e altri simile albori, ma biave de ogni sorte, e vini rasonevoli in alcuni logi boni et in alcuni perfecti, bestiami asay grande quantità de ogni sorte.

La piu utile e la principal parte del ditto regno siè la terra silvana dela quale se traze prima tuto el sale che bisogna nel regno, che li vale zercha ducati L. M. (Cinquanta mille) lanno, che he la principal intrada dela corona. Apresso ditto salesono molte de ori, arzenti, rami, piombi, arzenti vivi, ferri, azali e grandissima quantità de animali de ogni sorte, come bovi, castrai cavali e molte altre cose utilissime. La qual terra Silvana è bene habitada da zente virile, perchè continuamente sono ale manecum el Turcho, e cavasse de dita terra transilvana ala deffension del regno circha 40 M. persone de bone e utile zente a tale imprese. El forzo sono todeschi, e una altra nation apelati Seculi, e molto vigorosi, e una altra nation apellati Sassi.

In el dito regno sono poche terre murate le quale potesseno essere sufficiente de potere resistere a una potentia come seria quella del Turcho. La forteza del dito regno sono principalmente le fumare grosse che vi sono; e poi la quantità di populi animosi contra Turchi che, quando habino tempo de unirse si per esser lore de grandissimo animo contra loro, como etiam per esser numero grosso ocurendo el bisogno se prevagliano da loro più per questi mezi, che de speranza de forteze de terre murate che abino in quele parte

Le terre murate e de farne mentione siano fortesono queste. In Transilvania sono due, una chiamata Brasionia che he lultima terra dela Ungaria verso la Valachia, in la qual sono la mazor parte todeschi, e anole fortificate che per uno exercito grosso se poterano per 4 valere overo 6 misi, fina el secorso del regno vinisse. Una altra verso sirocho pure ale confine chia masse Sebino, la qual he fortissima che similemente se poteria tenere. Sonove piu castelli fortissimi comhe Bestriza, Giorgyn, Deva, Ungiat. Questi sono che per uno anno poteriano sostenere ogne assedio havendo vituarie dentro per esser logi forti.

Verso griego ale confine de polana evi una bona tera fortissima appellata chasonia, che apresso quelle confine sono alcuni castelli alcuni de essi fortissimi e alcuni de farne pocha stima. Li forti sono Zolum novo, Zolum vechio, Siaros, Trincino, verso le parte de Schiavonia fra ostro e garbin. Verso la Schiavania sono alcuni castelli alcuni d'essi forti possedute per el bano pani Jano sono del Conte de Cile luno castello de Sancto ziorzi, Medevet crapian verso ostro e sirocho va la terra e castello de Belgrado. Altre terre ne castelle non sono de farne mentione. La sedia principal del Re siè la terra de Bude, la quale non se poderia cinzere oltra 3 di, siche nonè de farne stima alguna.

In dito regno sono molte aque, le quale comhe predicto sono quasi le mure de dito reame, e maxime verso la Turchia imperochè ali confini del regno del corpo de Ungaria confina el Denubio, el qual è grossa fiumara, a comparazion mazor che non he el Po de Lombardia, el qual fiume divide l'Ungaria da la Servia e Bolgaria evane insino al mare mazor, per modo chè per le confine del circuido de dite aque dito corpo de Ungaria vien astare molto seguro, e per le rive sono molti castelli fabricati alincontro de altre castelle che sono in contra dalaltra banda del ditto fiume che sono de Servia che al presente sono inopodere de Turchi, e azo che quelli stano in diti castelli de la banda de Servia non posseno venire adanezare la Hungaria, però sono sula riva de dito Denubio da la banda de Ungaria le castelle predite deputade ala guardia de dite rive le quale comenzano a questo modo zoe:

El castello de Choino in sula banda de Ungaria sta perincontro del castello e terra de Semedruo, che he in la riva da la banda de Servia.

Castello de San Lasselo da la banda de Hungaria sta per incontro del castello de Golombazo da la banda de Servia.

Castello de Severin da la banda de Ungaria sta per incontro del castello de Bodom da la banda de Servia.

E cussi va continuando de logo in logo fina in la Valachia, e poi al mare mazore.

Unaltra fiumara la qual naxe in la montagna de Lemania verso garbin e vienne zosso per leconfine de Schiavonia che he apellata Sava che è grossa comhe per comparation l'Adese quando è pino. Questo devide Lungaria da la Schiavonia, e mete cavo nello Danubio arente Belgrado. La qual fiumara etiam defende dito regno che exercito grosso senza gran provision de nave non poriano passare, el qual parecchio non se poria far cosi secreto non fusse saputo de circostanti de quele parte che presto se poria oponere aloro intromission e devedare non passaseno.

Ancora ultra dite fiumare unaltra derivante da la parte sovra ditta non remota molto luna de laltra simelmente fai soy corso, e mete cavo nelo Danubio, et he grossa, che guazare non se po in alguno logo. Naxe verso garbin e core in Danubio verso griego, la qual è apellata Drava.

Ancora ve altra fiumara grossa nasse in li monti de Alemagna verso maestro, e intra in la Drava verso ostro, e chiamasse la Mura, che similmente defende dito regno de verso ponente che non può da potentie stranie da quella banda esser abelmente offexo.

Da la banda de griego, nasse un altra fiumara e traversa l'Ungaria entra in Danubio verso garbin e chiamasse la Tissa, è fiume grosso che non se può guazare in algun logo, questa è una dele deffesse a una dele parte

del regno, da exerciti havesseno passato el Danubio, e dappoi el Danubio passato una altro fiumada apellata Tumusio la quale nasse verso griego, e similimente mete cavo in Danubio verso ostro, la qual fiumada viene fazendo soccorso per mezo dela provincia de terra Silvana, che etiam è defension de dito regno. Si chè concludendo dico, dicto regno per le predictate fiumade, e altre aque oltra le dite dele quale non se fa mention, dito regno vien esser fortificato e securo, e maxime da zente ultramontane volesseno intrare da la parte de levante e sirocho, comhe sono Turchie uno di quelli volesseno intrare da quella parte.